



Na osnovu člana 22 stava 2 tačke c Statuta Brčko distrikta Bosne i Hercegovine („Službeni glasnik Brčko distrikta BiH“ broj: 3/07), Skupština Brčko distrikta Bosne i Hercegovine na 55. redovnoj sjednici održanoj 26. septembra 2007. godine, u s v a j a

Zakon o izmjenama Zakona o preduzećima u Brčko distriktu Bosne i Hercegovine

Član 1

U Zakonu o preduzećima u Brčko distriktu Bosne i Hercegovine („Službeni glasnik Brčko distrikta BiH“ brojevi: 11/01, 10/02, 14/02, 01/03, 08/03 i 04/04 (u daljnjem tekstu: Zakon o preduzećima) u članu 133 stavu 1 riječi: „dionički kapital“ se brišu.

Član 2

Član 137 mijenja se i glasi:

„Minimalna nominalna vrijednost dionice je 1,00 KM.“

Član 3

Član 143 mijenja se i glasi:

„(1) Dionice dioničkog društva su dematerijalizovane, nedjeljive, glase na ime i vode se u dematerijalizovanom obliku – elektronskom zapisu u Centralnom registru papira od vrijednosti.

(2) Dionice su neograničeno prenosive, osim u slučajevima utvrđenim statutom dioničkog društva u skladu sa zakonom.“

Član 4

Član 144 mijenja se i glasi:

„Dioničko društvo je dužno u skladu s posebnim zakonom i propisima Komisije za papire od vrijednosti Brčko distrikta BiH, zaključiti ugovor s Centralnim registrom i dostaviti podatke o dionicama i dioničarima u roku od 30 dana od dana upisa u registar emitenata.

Centralni registar uspostavlja listu dioničara i registruje promjene vlasništva na dionicama dioničkog društva.“

Član 5

Član 174 se briše.

Član 6

Dosadašnji član 175 mijenja se i glasi:

“Dionice su neograničeno prenosive, osim u slučajevima utvrđenim posebnim zakonom i/ili statutom društva u skladu sa zakonom.“

Član 7

Član 179 i član 180 se brišu.

Član 8

Dosadašnji član 205 mijenja se i glasi:

„Predsjednik i članovi nadzornog odbora biraju se glasanjem, pri čemu svakoj dionici s pravom glasa pripada broj glasova jednak u broju članova nadzornog odbora koji se biraju, uključujući i predsjednika.

Ukupan broj glasova koji nosi svaki glasački listić raspoređuje se ravnomjerno na sve kandidate čija imena su zaokružena na istom listiću.

Kandidata koji je dobio najveći broj glasova skupština proglašava za predsjednika, a kandidate sa sljedećim najvećim brojem dobijenih glasova proglašava za članove nadzornog odbora.“

Član 9

U dosadašnjem članu 224, stav 2 mijenja se i glasi:

„Odluku o sazivanju skupštine donosi uprava. Skupština se saziva obavještenjem koje sadrži naziv i sjedište društva, datum, vrijeme i mjesto održavanja sjednice, potpun opis svih tačaka dnevnog reda, uslove za učešće u radu skupštine i postupak ostvarivanja glasačkih prava. Takvo obavještenje mora se objaviti u sredstvima javnog informisanja i najmanje dva dnevna lista dostupna na području Brčko distrikta BiH, najkasnije 30 dana prije datuma određenog za zasjedanje skupštine.“

Član 10

Dosadašnji član 226 mijenja se i glasi:

„(1) Ako je održavanje skupštine zakazano van mjesta sjedišta dioničkog društva, obavještenje iz dosadašnjeg člana 224 ovog zakona upućuje se svakom dioničaru preporučenim pismom, telefaksom ili elektronskom poštom na adresu iz liste dioničara.

(2) Osim objavljivanja i dostavljanja obavještenja u skladu s odredbama stava 1 ovog člana, dioničko društvo s velikim brojem dioničara dužno je obezbijediti dodatno objavljivanje u slučajevima, pod uslovima i na način utvrđen propisima Komisije.“

Član 11

U dosadašnjem članu 232, stavu 1 riječi: „Spisak se pravi na osnovu registrovane knjige dioničara“ zamjenjuju se riječima: „Spisak se pravi na osnovu liste dioničara koji su registrovani u Centralnom registru 30 dana prije dana održavanja skupštine“.

Član 12

U dosadašnjem članu 246, stavu 2 riječi: „dvotrećinska (2/3) većina osnovnog kapitala društva“ zamjenjuju se riječima: „dvotrećinska (2/3) većina zastupljenih dionica s pravom glasa“.

Član 13

U dosadašnjem članu 248, stav 3 mijenja se i glasi:

„(3) Amandmani na statut društva stupaju na snagu narednog dana od dana objavljivanja.“

Član 14

U dosadašnjem članu 249, stavu 1 riječi: „dvotrećinska (2/3) većina osnovnog kapitala društva.“ zamjenjuju se riječima: „dvotrećinska (2/3) većina zastupljenih dionica s pravom glasa“.

Član 15

U dosadašnjem članu 250, stavu 1 tekst: „Odluka se može usvojiti samo ako se prijem uloga i prethodno pomenuti podaci objave u skladu s članom 227, stavom 1 ovog zakona» se brišu.

Član 16

U dosadašnjem članu 253, stavu 2 riječi: „Službenom glasniku“ zamjenjuju se riječima: „najmanje dva dnevna lista dostupna na području Brčko distrikta BiH“.

Član 17

U dosadašnjem članu 259, stavu 1 riječi: „dvotrećinska (2/3) većina osnovnog kapitala.“ zamjenjuju se riječima: „dvotrećinska (2/3) većina zastupljenih dionica s pravom glasa“.

Član 18

U dosadašnjem članu 268, stav 2 mijenja se i glasi:

„(2) Za odluku o povećanju potrebna je saglasnost dvotrećinske (2/3) većine zastupljenih dionica s pravom glasa. Statutom se može propisati kvalifikovana većina, drugi uslovi i odobrenje iz člana 249, stava 3 ovog zakona.“

Član 19

U dosadašnjem članu 276, stavu 1 riječi: „potvrdu revizora“ zamjenjuju se riječima: „izvještaj i mišljenje ovlaštenog revizora“, a riječi: „podnosioci molbe“ zamjenjuju se riječima: „podnosioci prijave“.

Član 20

U dosadašnjem članu 283, stavu 2 iza teksta: „raspodjeli dobiti ostvarene u posljednjoj poslovnoj godini“ stavlja se tačka, a tekst: „prije donošenja odluke o povećanju osnovnog kapitala“ se briše.

U stavu 3 istog člana riječi: „odluka o povećanju osnovnog kapitala“ zamjenjuju se riječima: „odluka o povećanju osnovnog kapitala iz sredstava društva“.

Član 21

U dosadašnjem članu 287, stavu 1 riječi: „dvotrećinska (2/3) većina osnovnog kapitala društva“ zamjenjuju se riječima: „dvotrećinska (2/3) većina zastupljenih dionica s pravom glasa“.

U stavu 4, tački 2 istog člana riječ: „udruživanjem“ zamjenjuje se riječju: „spajanjem“.

Član 22

Dosadašnji član 288 mijenja se i glasi:

„Uprava je dužna da prijavi odluku o smanjenju osnovnog kapitala u registar.“

Član 23

Član 291 se briše.

Član 24

Naziv PODODJELJKA 4: SMANJENJE OSNOVNOG KAPITALA POVLAČENJEM DIONICA“ mijenja se i glasi: „3. SMANJENJE OSNOVNOG KAPITALA POVLAČENJEM DIONICA“.

Član 25

U dosadašnjem članu 296, stavu 4 tekst: „uprava i predsjedavajući nadzornog odbora će prijaviti odluku za upis u registar“ zamjenjuje se tekstem: „uprava prijavljuje smanjenje osnovnog kapitala za upis u registar“.

Stav 6 istog člana se briše.

Član 26

Dosadašnji član 297 mijenja se i glasi:

„Odluka o smanjenju kapitala stupa na snagu upisom u registar.“

Član 27

Ovaj zakon stupa na snagu 8. (osmog) dana od dana objavljivanja u „Službenom glasniku Brčko distrikta BiH“.

Broj: 0-02-022-112/07
Brčko, 26. septembra 2007. godine

**PREDSJEDNIK
SKUPŠTINE BRČKO DISTRIKTA BiH**

prof. dr. Milan Tomić